

Wor le Kleinen vordil
sich mietong daia bei ronie hört swilt
hier woonetlicher sind
der verschilhet gar den
al die weile du seid in dene
nicht denken ic

IV.

Ganzer fröiden wart mir nie so wol ze muote:

mirst geboten, daz ich singen muoz.

sælic si diu mir daz wol verstè ze guote!

mich mant singen ir vil werder gruoze.

diu min iemer hât gewalt,

diu mac mir wol trüren wenden

unde senden

fröide manicvalt.

Git daz got daz mir noch wol an ir gelinget,

10 seht, so wäre ich iemer mère frô,

diu mir beide herze und lip ze fröiden twinget.

mich betwanc nie mē kein wip alsò.

ê was mir gar unbekant

daz diu Minne twingen solde

15 swie si wolde,

unz ichz an ir bevant.

Minne, wunder kan din güete liebe machen,

und din twingen swenden fröiden vil.

dû lèrest liebe úz spilnden ougen lachen,

20 swâ dû mären wilt din wunderspil:

dû kanst fröidenrichen muot

so verworrenliche verkêren,

daz din sêren

sanfte unsanfte tuot.

25 Süeze Minne, sit nach diner süezen lere

mich ein wip alsò betwungen hât,

bit si dazs ir wiþlich giete gegen mir kere;

so mac miner sorgen werden rât.